


T2511/12736(8)

8



DEC 3 1962

吕后本紀第九

史記九

索隱曰呂太后本以女主臨朝自孝惠崩後女少帝而始稱制正合附惠紀而論之不然或別為呂后本紀合依班氏分為二紀焉

呂太后者

徐廣曰呂后父呂公漢元年為臨泗侯四年卒高后元年追謚曰呂宣王高祖微

時妃也

漢書音義曰諱雉。生孝惠帝漢書音義曰諱盈女

曾元太后及高祖為漢王得定陶戚姬

如淳曰姬音拾衆妾

之總稱也漢官曰姬妾數百蘇林曰清河國有妃里而題門家姬替曰漢秩綠令及茂陵書姬內官也秩其三千石位次

婕妤好下在七子八子之上。索隱曰如淳音怡非也茂陵書云姬是內官是矣然官號及婦人通稱姬者姬周之姓所以

左傳稱伯姬叔姬以言天子之宗女貴於他姓故遂愛幸以姬為婦人美號故詩曰雖有姬姜不存顛梓是也

生趙隱王如意孝惠為人仁弱高祖以為不類



我常欲廢太子立戚姬子如意如意類我戚姬
幸常從上之關東日夜啼泣欲立其子代太子
呂后年長常留守希見上益疏如意立為趙王
後幾代太子者數矣索隱曰幾音其賴大臣爭之
及留侯策索隱曰謂張良叔孫通等令太子得毋廢
呂后為人剛毅佐高祖定天下所誅大臣多呂
后力呂后兄二人皆為將長兄周呂侯徐廣曰名
年卒謚令武侯死事封其子呂公徐廣曰名為酈侯徐廣曰酈
追謚曰悼武王子產為父侯徐廣曰次兄呂釋之
索隱曰鄭鄒台並音怡蘇林音胎徐廣曰高祖十一年四月甲辰
為建成侯徐廣曰惠帝二年卒謚康王

崩長樂宮太子龍襲號為帝是時高祖八子長男
肥孝惠兄也異母索隱曰母肥索隱曰母為齊王餘皆孝惠
弟戚姬子如意為趙王薄夫人子恒為代王諸
姬子子恢為梁王子友為淮陽王子長為淮南
王子建為燕王高祖弟交為楚王兄子濞為吳
王非劉氏功臣番君吳芮子臣為長沙王呂后
最怨戚夫人及其子趙王廼令永巷如淳曰列女
后脫簪珥待罪永巷後改為掖庭索隱曰永巷別宮名
有長巷故名之也韋昭去以為在掖門內故謂之掖庭也囚
戚夫人而召趙王使者二三反趙相建平侯周昌
謂使者曰高帝屬臣趙王趙王年少竊聞太后

怨戚夫人欲召趙王并誅之臣不敢遣王王且亦病不能奉詔呂后大怒迺使人召趙相趙相徵至長安迺使人復召趙王王來未到孝惠帝慈仁知太后怒自迎趙王霸上與入宮自挾與趙王起居飲食太后欲殺之不得間孝惠元年十二月帝晨出射趙王少不能蚤起太后聞其獨居使人持醪飲之應劭曰醪鳥食蠅以其羽畫酒中飲之立死黎明孝惠還徐廣曰犁猶比也諸言犁明者將明之時趙王已死於是迺徙淮陽王友為趙王夏詔賜酈侯父追謚為令武侯索隱曰令音齡太后遂斷戚夫人手足去眼燂耳飲瘖藥

使居廁中命曰人彘居數日迺召孝惠帝觀人彘孝惠見問迺知其戚夫人迺大哭因病歲餘不能起使人請太后曰此非人所為臣為太后子終不能治天下孝惠以此日飲為淫樂不聽政故有病也二年楚元王齊悼惠王皆來朝十月孝惠與齊王燕飲太后前孝惠以為齊王兄置上坐如家人之禮太后怒迺酌兩卮酖置前今齊王起為壽時齊王起孝惠亦起取卮欲俱為壽太后迺恐自起泛孝惠卮索隱曰泛音捧泛也齊王怪之因不敢飲詳醉去問知其酖齊王恐自以為不

得脫長安憂齊內史士徐廣曰說王曰太后獨有

孝惠與魯元公主如淳曰公羊傳曰天子嫁女於諸侯必使諸侯同姓者主之故謂之公主

百官表列侯所食曰國皇后公主所食曰邑諸侯王女曰公主蘇林曰公五等尊爵也春秋聽臣子以稱君父婦人稱主

有主孟啗我之比故云公主璜曰天子之女雖食湯沐之邑不君其民。索隱曰啗音徒監反按主是謂里克妻即優施

之語事見國語孟者且也言且啗我物我教汝婦事夫之道此即婦人稱主之意耳比音必二反今王有

七十餘城而公主迺食數城王誠以一郡上大

后為公主湯沐邑太后必喜王必無憂於是齊

王迺上城陽之郡尊公主為王太后如淳曰張敖子偃為魯王

故公主得為太后吕后喜許之迺置酒齊邸正義曰漢法諸侯各起邸第於

京師樂飲罷歸齊王三三年方築長安城四年就

半五年六年城就

索隱曰漢宮闕疏四年築東面三年築北面漢舊儀城方六十三里經緯

各十二里三輔舊事云城形似北斗也諸

侯來會十月朝賀七年秋八

月戊寅孝惠帝崩

皇甫謐曰帝以秦始皇三十七年生崩時年二十三發喪太

后哭泣不下留侯子張辟彊為侍中應劭曰入侍天子故曰侍

中年十五謂丞相曰太后獨有孝惠今崩哭不

悲君知其解乎正義曰解紀賣反言哭解墮有所思也又音戶賣反解節解也又紀買反謂解

說丞相曰何解辟彊曰帝母壯子太后畏

君等君今請拜吕台吕產吕禄為將將兵居南

北軍及諸吕皆入宮居中用事如此則太后心

安君等幸得脫禍矣丞相迺如辟彊計太后說

其哭廼哀呂氏權由此起廼大赦天下九月辛

丑葬漢書云葬安陵皇覽曰山高三十二丈廣袤百二十三

野太子即位為帝謁高廟元年號令一出太

后太后稱制議欲立諸呂為王問右丞相王陵

王陵曰高帝刑白馬盟曰非劉氏而王天下共

擊手之今王呂氏非約也太后不說問左丞相陳

平絳侯周勃等對曰高帝定天下王子弟今

太后稱制王昆弟諸呂無所不可太后喜罷朝

王陵讓陳平絳侯曰始與高帝嘵血盟索隱曰嘵

反又云或作嘵諸君不在邪今高帝崩太后女主

欲王呂氏諸君縱欲阿意背約何面目見高帝

地下陳平絳侯曰於今面折廷爭臣不如君夫

全社稷定劉氏之後君亦不如臣王陵無以應

之十一月太后欲發至陵乃拜為帝太傅應劭曰古

官傳者覆也墳曰大奪之相權王陵遂病免歸廼以

左丞相平為右丞相以辟陽侯審食其為左丞

相索隱曰韋昭云辟左丞相不治事令監宮中如郎

中令食其故得幸太后常用事公卿皆因而決

事廼追尊酈侯父為悼武王欲以王諸呂為漸

四月太后欲侯諸呂廼先封高祖之功臣郎中

令無擇

徐廣曰姓馮

為博城侯

正義曰括地志云兗州博城本漢博城縣城

魯

元公主薨賜謚為魯元太后子偃為魯王魯王

父宣平侯張敖也封齊悼惠王子章為朱虛侯

索隱曰虛音墟琅邪縣也。正義曰括地志云朱虛故城在青州臨朐縣東六十里漢朱虛也十三州志云丹朱遊故虛

故云朱虛也虛猶丘也朱猶州也以呂祿女妻之齊丞相壽為平

定侯

徐廣曰姓齊

少府延為梧侯

徐廣曰姓陽成也延以軍匠起作宮築城也

乃封呂種為沛侯

徐廣曰釋之之子也。正義曰括地志云徐州沛縣古城也

呂平

為扶柳侯

徐廣曰太后姊子也母字長狗。正義曰括地志云扶柳故城在冀州信都縣西三十里漢扶柳縣也有澤澤中

張買為南宮侯

徐廣曰其父越人為高祖騎將

后欲王呂氏先立孝惠後宮子彊為淮陽王

曰今陳留郡

子不疑為常山王

正義曰括地志云常山故城在相州真定縣南八里本漢

東垣邑也

子山為襄成侯

索隱曰按下文更名義又改名弘

文耳按志襄城屬潁川

子朝為軹侯

索隱曰韋昭云河內有軹縣音紙。正義曰括地志云故

軹城在懷州終原縣東南十三里七國時魏邑

子武為壺關侯太后風大臣

大臣請立酈侯呂台為呂王

正義曰初呂台為呂王後呂產王忍更名梁曰

呂太后許之建成康侯釋之卒嗣子有罪廢立

其弟呂祿

徐廣曰釋之少子

為胡陵侯

正義曰縣名屬山陽音帝改曰胡陸續

康侯後二年常山王薨以其弟襄成侯山為常

山王更名義十一月呂王去也薨謚為肅王太子

嘉代立為王二年無事

漢書云秋星書見

四年封呂類為

臨光侯呂他為俞侯

索隱曰他音他俞音輸。正義曰括地志云故飾城在德州平原縣

西南三十里本漢飾縣呂他邑也

呂更始為贅其侯

徐廣曰表云呂后弟子淮陽丞

相呂勝為贅其侯。索隱曰按表贅其在臨淮

呂忿為呂成侯

正義曰括地志云故呂城在鄧

州南陽縣西三十里呂尚先祖封

及諸侯丞相五人

徐廣曰中邑侯朱通山都侯王恬開

松茲侯徐厲勝侯呂更始醴陵侯越

宣平侯女為孝惠皇后時無子

佯為有身取美人子名之

正義曰劉伯莊云諸美人元幸呂氏懷身而入宮生

子殺其母立所名子為太子孝惠崩太子立為

帝帝壯或聞其母死非真皇后子迺出言曰后

安能殺吾母而名我我未壯壯即為變太后聞

而患之恐其為亂迺幽之永巷中言帝病甚左

右莫得見太后曰凡有天下治為萬民命

徐廣

無此

者蓋之如天容之如地上有權心以安百

姓百姓欣然以事其上權欣交通而天下治今

皇帝病久不已迺失惑惛亂不能繼嗣奉宗廟

祭祀不可屬天下其代之羣臣皆頓首言皇太

后為天下齊民計所以安宗廟社稷甚深羣臣

頓首奉詔帝發位太后幽殺之五月丙辰立常

山王義為帝更名曰弘不稱元年者以太后稱

天下事也以軹侯朝為常山王置太尉官絳侯

勃為太尉五年八月淮陽王薨死以弟壺關侯武

勃為太尉五年八月淮陽王薨死以弟壺關侯武

為淮陽王六年十月太后曰呂王去嘉居處驕恣
廢之以肅王台弟呂產為呂王復赦天下封齊
悼惠王子興居為東牟侯索隱曰韋昭云東萊縣七年正月
太后召趙王友友以諸呂女為后弗愛愛他姬
諸呂女妬怒去讒之於太后誣以罪過曰呂氏
安得王太后百歲後吾必擊之太后怒以故召
趙王趙王至置邸不見令衛圍守之弗與食其
羣臣或竊饋輒捕論之趙王餓乃歌曰諸呂用
事兮劉氏危迫宵王侯兮疆授我妃我妃既妬
兮誣我以惡讒女亂國兮上曾不寤我無忠臣

方何故奔國自決中野方蒼蒼天舉直

徐廣曰舉一作與于

嗟不可悔方寧蚤自財為王而餓死兮誰者憐
之呂氏絕理方託天報仇丁丑趙王幽死以民
禮葬之長安民冢次巳丑日食晝晦太后惡之
心不樂乃謂左右曰此為我也二月徙梁王恢
為趙王呂王產徙為梁王梁王不之國為帝太
傅立皇子平昌侯太為魯王更名梁曰呂呂曰
濟川太后女弟呂頹索隱曰韋昭云樊會妻封林光侯有女為營陵
侯劉澤妻澤為大將軍太后王諸呂恐即崩後
劉將軍為害廼以劉澤為琅邪王以慰其心梁

王恢之徙王趙心懷不樂太后以呂產女為趙王后王后從官皆諸呂擅權微伺趙王趙王不得自恣王有所愛姬王后使人酖殺之王乃為歌詩四章令樂人歌之王悲六月即自殺太后聞之以為王用婦人存宗廟禮廢其嗣宣平侯張敖卒以子偃為魯王敖賜謚為魯宣元王秋太后使使告代王欲徙王趙代王謝願守代邊太傅產丞相平等言武信侯呂祿徐廣曰呂后兄子也前封胡陵侯蓋號曰武信上侯位次第一如淳曰功大者在功上功臣請明其為侯表有第一第二之次也趙王太后許之追尊祿父康侯為趙昭王九月

燕靈王建薨有美人子太后使人殺之無後國

除八年十月立呂肅王子東平侯呂通為燕王

封通弟呂莊為東平侯二月中呂后被還正義曰被芳弗

反又音發後同過軹道見物如倉大據徐廣曰音載高后掖忽弗

復見十之云趙王如意為崇高后遂病掖傷高

后為外孫魯元王偃年少蚤失父母孤弱迺封

張敖前姬兩子侈為新都侯壽為樂昌侯徐廣曰今

細陽之池陽鄉以輔魯元王偃及封中大謁者張釋為建

陵侯徐廣曰一云張釋卿駟案如淳曰百官表謁者掌實贊受事灌嬰為中謁者後常以奄人為之諸官加中者多

奄人也呂榮為祝茲侯徐廣曰呂昆弟子諸中宦者令丞皆

為關內侯食邑五百戶

如淳曰列侯出關就國關內侯但爵其身有加異者與關

內之邑食其租稅也風俗通義曰秦時六國未平將帥皆家關中稱關內侯

七月中高后病

甚廼令趙王呂祿為上將軍軍北軍呂王產居

南軍呂太后誡產祿曰高帝已定天下與大臣

約曰非劉氏王者天下共擊之今呂氏王大臣

弗平我即崩帝年少大臣恐為變必據兵衛宮

慎毋送喪母為人所制辛巳高后崩遺詔賜諸

侯王各千金

蔡邕曰皇子封為王者其實古諸侯也如號稱王故謂之諸侯王子封為侯者謂之諸

侯將相列侯郎吏皆以秩賜金大赦天下以呂

王產為相國以呂祿女為帝后高后已葬

皇甫謐曰

合葬長陵皇覽曰高后山各一所也以左丞相審食其為帝太傅朱

虛侯劉章有氣力東牟侯興居其弟也皆齊衰

王弟居長安當是時諸呂用事擅權欲為亂畏

高帝故大臣絳灌等未敢發朱虛侯婦呂祿女

陰知其謀恐見誅廼陰令人告其兄齊王欲令

發兵西誅諸呂而立朱虛侯欲從中與大臣為

應齊王欲發兵其相弗聽八月丙午齊王欲使

人誅相相召平廼反舉兵欲圍王王因殺其相

遂發兵東詐奪琅邪王兵并將之而西語在齊

王語中齊王廼遺諸侯王書曰高帝平定天下

王諸二弟悼惠王王齊悼惠王薨死孝惠帝使留
侯良立臣為齊王孝惠崩高后用事春秋高聽
諸呂擅廢帝更立又比殺三趙王索隱曰比音如
字比猶類也趙
趙王恢是三趙王也滅梁趙燕以王諸呂分齊為四
忠臣進諫上惑亂弗聽今高后崩而帝春秋富
未能治天下固恃大臣諸侯而諸呂又擅自尊
官聚兵嚴威劫列侯忠臣矯制以令天下宗廟
所以危寡人率兵入誅不當為王者漢聞之相
國呂產等廼遣潁陰侯灌嬰將兵擊之灌嬰至
滎陽廼謀曰諸呂權兵關中欲危劉氏而自立

今我破齊還報此益呂氏之資也廼留屯滎陽
使使諭齊王及諸侯與連和以待呂氏變共誅
之齊王聞之廼還兵西界待約呂祿呂產欲發
亂關中內憚絳侯朱虛等外畏齊楚兵又恐灌
嬰畔之欲待灌嬰立與齊合而發猶豫未決索隱

曰猶鄒音以獸反與音預又作豫崔浩云猶猿類也印阜長
尾性多疑又說文云猶獸名多疑故比之也按狐性亦多疑
度水而聽水聲故云狐疑也今解者又引老子與猶子冬涉
川猶子若畏四隣故以為猶與且按狐聽水而此云猶子冬
涉川則猶與是狐類不疑若畏四隣則當是時濟川王
猶定是獸自不保同類故云畏四隣也當是時濟川王

太淮陽王武常山王朝名為少帝弟及魯元王
呂后外孫皆年少未之國居長安趙王祿梁王

產各將兵居南北軍皆呂氏之人列侯羣臣莫
自堅其命太尉絳侯勃不得入軍中主兵曲周
侯酈商老病其子寄與呂祿善絳侯迺與丞相
陳平謀使人劫酈商令其子寄往給說呂祿曰
高帝與呂后共定天下劉氏所立九王索隱曰吳楚齊淮南
琅邪代常山王朝淮陽王武濟川王太是九王也呂氏立三王索隱曰梁王產趙王祿趙王通也
皆大臣之議事已布告諸侯諸侯皆以為宜今
太后崩帝少而足下佩趙王印不急之國守藩
迺為上將將兵留此為大臣諸侯所疑足下何
不歸將印以兵屬太尉請梁王歸相國印與大

臣盟而之國齊兵必罷大臣得安足下高枕而
王千里此萬世之利也呂祿信然其計欲歸將
印以兵屬太尉使人報呂產及諸呂老人或以
為便或曰不便計猶豫未有所決呂祿信酈寄
時與出游獵過其姑呂嬃嬃大怒曰若為將而
弃軍呂氏今無處矣索隱曰嬃師古以為言見誅滅無處所也迺悉出珠
玉寶器散堂下曰毋為他人守也左丞相食其
免八月庚申旦平陽侯宙行御史大夫事見相
國產計事郎中令費壽使從齊來因數產曰王
不蚤之國今雖欲行尚可得邪具以灌嬰與齊

楚合從欲誅諸呂告產迺起產急入宮平陽侯

頗聞其語迺馳告丞相太尉太尉欲入北軍不

得入襄平侯通徐廣曰尚符節即張晏曰紀信子也尚

隱曰張晏云紀信子又晉灼云信被焚死不見有後按功臣

表襄平侯紀通父成以將軍定三秦死事子侯則通非信子

張說迺令持節矯內太尉北軍太尉復令酈寄

與典客劉揭漢書百官表曰典客秦先說呂祿曰帝

使太尉守北軍欲足下之國急歸將印辭去不

然禍且起呂祿以為酈兄徐廣曰音兄不欺已遂

解印屬典客而以兵授太尉太尉將之入軍門

行令軍中曰為呂氏右禮為劉氏左禮軍中皆

左禮為劉氏太尉行至將軍呂祿亦已解上將

印去太尉遂將北軍然尚有南軍平陽侯聞之

以呂產謀告丞相平迺召朱虛侯佐太

尉太尉令朱虛侯監軍門令平陽侯告衛尉毋

入相國產殿門呂產不知呂祿已去北軍迺入

未央宮欲為亂殿門弗得入徘徊往來平陽侯

恐弗勝馳語太尉太尉尚恐不勝諸呂未敢訟

言誅之徐廣曰訟一作公駟案韋昭曰訟猶公也。索隱

猶明言也又解迺遣朱虛侯謂曰急入宮衛帝朱

虛侯請卒太尉予卒千餘人入未央宮門遂見

產廷中日舖時遂擊產產走天風大起以故其

從官亂莫敢鬪遂產殺之郎中府吏厠中改醇

官表郎中令掌宮殿門戶故其朱虛侯已殺產帝命謁

府在宮中後轉為光祿勳也者持節勞朱虛侯欲奪節信謁者不肯

朱虛侯則從與載因節信馳走斬長樂衛尉呂

更始還馳入北軍報太尉太尉起拜賀朱虛侯

曰所患獨呂產今已誅天下定矣遂遣人分部

悉捕諸呂男女無少長皆斬之辛酉捕斬呂祿

而笞殺呂須使人誅燕王呂通而發魯王偃壬

戌以帝太傅食其復為左丞相戊辰徙濟川王

王梁立趙幽王子遂為趙王遣朱虛侯章以誅

諸呂氏事告齊王令罷兵灌嬰兵亦罷滎陽而

歸諸大臣相與陰謀曰少帝及梁淮陽常山王

皆非真孝惠子也呂后以計詐名他人子殺其

母養後宮今孝惠子之立以為後及諸王以彊

呂氏今皆已夷滅諸呂而置所立即長用事吾

屬無類矣不如視諸王最賢者立之或言齊悼

惠王高帝長子今其適子為齊王推本言之高

帝適長孫可立也大臣皆曰呂氏以外家惡而

幾危宗廟亂功臣今齊王母家鉏駟鈞惡人也

即立齊王則復為呂氏欲立淮南王以為少母
家又惡迺曰代王方今高帝見子最長仁孝寬
厚太后家薄氏謹良且立長故順以仁孝聞於
天下便迺相與其陰使人召代王代王使人辭
謝再反然後乘六乘傳張晏曰備漢朝有變欲馳還也或曰傳車六乘後九
月文穎曰即閏九月也時律曆廢不知閏謂之後九月晦日
已酉至長安舍代邸大臣皆往謁奉天子璽上
代王共尊立為天子代王數讓羣臣固請然後
聽東牟侯興居曰誅呂氏吾無功請得除宮迺
與太僕汝陰侯滕公入宮前謂少帝曰足下非

劉氏不當立乃顧麾左右執戟者徐陪兵罷去

音作有數人不肯去兵宦者令張澤諭告亦去

兵滕公迺召乘輿車載少帝出蔡邕曰律曰敢盜乘輿服御物天子

至尊不敢深瀆言之故託於乘輿也乘猶載也輿猶車也天子以天下為家不以京師宮室為常處則當乘車輿以行天下故羣臣託乘輿以言之也故或謂之車駕少帝曰欲將我安之乎滕公

曰出就舍舍少府迺奉天子法駕蔡邕曰天子有大駕小駕法駕

上乘金根車加馬六馬有五時副車駕四馬侍中參乘屬車三十六乘迎代王於邸報曰宮

謹除代王即夕入未央宮有謁者十人持戟衛

端門曰天子在也足下何為者而入代王迺謂

太尉太尉往諭謁者十人皆陪兵而去代王遂

入而聽政夜有司分部誅滅梁淮陽常山王及少帝於邸代王立為天子二十三年崩謚為孝文皇帝

太史公曰孝惠皇帝高后之時黎民得離戰國之苦君臣俱欲休息乎無為故惠帝垂拱高后女主稱制政不出房戶天下晏然刑罰罕用罪人是希民務稼穡衣食滋殖

索隱述贊曰
高祖猶微
尚私食其

呂氏作妃
志懷安忍

及正軒掖
性狹猜疑

置鳩齊悼

殘暴戚姬

孝惠崩殯

其哭不悲

諸呂用事

天下示私

大臣殖醢

支薛芟夷

禍盈斯驗

蒼君狗為菑

史肆阡伍伯單捌字

注貳阡壹伯伍拾肆字

呂后本紀第九

史記九

孝文本紀第十

史記十

孝文皇帝

漢書音義曰諱恒

高祖中子也高祖十一年春

已破陳豨軍定代地立為代王都中都

正義曰括地志云中

都故城在汾州平遙縣西南十二里秦屬太原郡也

太后薄氏子即位十七年

高后八年七月高后崩九月諸呂呂產等欲為

亂以危劉氏大臣共誅之謀召立代王事在呂

后語中丞相陳平太尉周勃等使人迎代王代

王問左右郎中令張武等張武等議曰漢大臣

皆故高帝時大將習兵多謀詐此其屬意非止

此也特畏高帝呂太后威耳今已誅諸呂新噫

血京師

公羊傳曰京大師衆也天子之居必以衆大之辭言也○索隱曰漢書噍作牒音跣丁牒反漢書陳

湯杜業皆言牒血無盟軌事廣雅云牒履也謂履涉之

此以迎大王為名實不

可信願大王稱疾母往以觀其變中尉宋昌進

曰索隱曰東觀漢記宋楊傳宋義後羣臣之議皆非也

夫秦失其政諸侯豪傑並起人人自以為得之

者以萬數然卒踐天子之位者劉氏也天下絕

望一矣高帝封王子弟地犬牙相制索隱曰言封

接若犬之牙不正此所謂般石之宗也固如磐石此

語見太公六韜天下服其疆二矣漢興除秦苛政約法令

施德惠人人自安難動搖二矣夫以呂太后之

嚴立諸呂為三王擅權專制然而太尉以一節

入北軍索隱曰即紀通所矯帝之節一呼士皆左袒為劉氏叛

諸呂卒以滅之此乃天授非人力也今大臣雖

欲為變百姓弗為使其黨寧能專一邪方今內

有朱虛東牟之親外畏吳楚淮南琅邪齊代之

疆方今高帝子獨淮南王與大王大王又長賢

聖仁孝聞於天下故大臣因天下之心而欲迎

立大王大王勿疑也代王報太后計之猶與未

定卜之龜卦兆得大橫應劭曰以荆灼龜文正橫占曰大橫庚

庚余為天王夏啓以光服虔曰庚橫貌也李奇曰庚其絲文也張晏曰橫行無思

不服庚更也言去諸侯而即帝位也先是五帝官天下老則
禪賢王啓始傳父爵乃能光治先君之基業文帝亦襲父迹
言似夏啓者也○索隱曰荀悅云大橫龜兆橫理也按庚猶
更言以諸侯更帝位也○絲抽也所以抽出吉凶之情也杜預
云絲兆辭也音胃漢書蓋寬饒云五帝官天下三王家
天下官以傳賢人家以傳子孫官猶公也謂不私也代王

曰寡人固已為王矣又何王卜人曰所謂天王

者乃天子於是代王乃遣太后弟薄昭往見絳

侯絳侯等具為昭言所以迎立王意薄昭還報

曰信矣母可疑者代王乃笑謂宋昌曰果如公

言乃命宋昌參乘張武等六人乘傳詣長安至

高陵休止正義曰括地志云高陵故城在雍州高陵縣西

渭南有輿宮渭北有成陽宮秦昭王欲通二宮之間造橫長

橋三百八十步橋北有

石水中舊有留神象此神曾與魯曾班

語班令其出留曰我貌醜卿善圖物容不出班於是拱手與

語曰出頭見我留乃出首班以胸畫地付留覺之便沒水故

置其象於水上惟有一腰以上魏太祖馬見而驚命移下之而使宋昌先馳之長安

觀變昌至渭橋蘇林曰在長安北三里○索隱曰三輔

昭王通兩宮之間作渭橋長三百八十步又關中記云石柱以此屬扶風反柱以南屬京兆也丞相以下

皆迎宋昌還報代王馳至渭橋羣臣拜謁稱臣

代王下車拜太尉勃進曰願請問言索隱曰包愷音開言欲向

空問處語頗師古云問容也猶言中間宋昌曰所言公

公言之所言私王者不受私太尉乃跪上天子

爾等代王謝曰至代邸而議之索隱曰說文遂馳

入代邸羣臣從至丞相陳平太尉周勃大將軍

陳武御史大夫張蒼宗正劉郢

漢書百官表曰宗正秦官應劭曰周

成王時影伯入為宗正

朱虛侯劉章東牟侯劉興居與客劉

揭皆曰再拜言曰子弘等皆非孝惠帝子不審奉

宗廟臣謹請與陰安侯

蘇林曰高帝兄伯妻也列侯

頃王后

徐廣曰代頃王劉仲之妻也如淳曰頃王后封陰安侯

時呂類為林光侯蕭何夫人亦為鄼侯又宗室表此無陰

安知其為頃王后也。索隱曰按蘇林徐廣韋昭以為為一人

封號而樂彥如淳以頃王后別封陰安侯與漢祠令相會於

以陰安是別人封爵非也頃王后是代頃王后文帝之伯母

代王降為郤陽侯故云列侯頃與琅邪王宗室大臣列

王后韋昭曰陰安屬魏郡也 願大王即夫子位代王曰奉高帝宗廟重事也

侯吏二千石議曰大王高帝長子宜為高帝嗣

寡人不佞不足以稱宗廟願請楚王計宜者

曰楚王名交高帝弟。索隱曰交高帝弟最尊言更請楚王計宜者故下云皆為宜也 寡人不敢當

羣臣皆伏固請代王西鄉讓者三南鄉讓者再

如淳曰讓羣臣也或曰賓主位東西面君臣位南北面故西鄉坐三讓不受羣臣猶稱宜乃更迴坐示變即君位之漸也

丞相平等皆曰臣伏計之大王奉高帝宗廟最

宜稱雖天下諸侯萬民以為宜臣等為宗廟社

稷計不敢忽願大王幸聽臣等臣謹奉天子璽

符再拜上代王曰宗室將相王列侯以為莫宜

寡人寡人不敢辭遂即天子位羣臣以禮次侍

乃使太僕嬰與東牟侯興居清宮

應劭曰舊典天子行幸所至必

遣靜宮令先案行清靜殿中以虞非常。索隱曰按漢儀云皇帝起居索室清宮而後行奉天子法駕

迎于代邸索隱曰漢官儀云天子鹵簿有大駕法駕小駕大駕公卿不在鹵簿中惟京兆尹執金吾長安令奉引侍中參乘屬車二十六乘皇帝即日夕入

未央宮乃夜拜宋昌為衛將軍鎮撫南北軍以

張武為郎中令行殿中還坐前殿於是夜下詔

書曰間者諸呂用事擅權謀為大逆欲以危劉

氏宗廟賴將相列侯宗室大臣誅之皆伏其辜

朕初即位其赦天下賜民爵一級女子百戶牛

酒蘇林曰男賜爵女子賜牛酒。索隱曰按封禪書云百戶牛一頭酒十石樂彥云婦人無夫或無子不霑爵故賜之

酺五日文穎曰漢律三人已上無故羣飲罰金四兩今詔橫賜得令會聚飲食五日。索隱曰說文云酺王

者布德大飲酒也出錢為醪出食為酺又按

趙武靈王滅中山酺五日是其所起遠也

孝文皇帝元年十月庚戌徙立故琅邪王澤為

燕王辛亥皇帝即阼正義曰王正義曰此謁高廟右丞相平

徙為左丞相太尉勃為右丞相大將軍

灌嬰為太尉諸呂所奪齊楚故地皆復與之壬

子遣車騎將軍薄昭迎皇太后于代皇帝曰呂

產自置為相國呂祿為上將軍擅矯遣灌將軍

嬰將兵擊齊欲代劉氏嬰留滎陽弗擊與諸侯

合謀以誅呂氏呂產欲為不善丞相陳平與太

尉周勃謀奪呂產等軍朱虛侯劉章首先捕呂

氏

產等太尉身率襄平侯通持節承詔入北軍典
客劉揭身奪趙王呂祿印益封太尉勃萬戶賜
金五千斤丞相陳平灌將軍嬰邑各三千戶金
二千斤朱虛侯劉章襄平侯通東牟侯劉興居
邑各二千戶金千斤徐廣曰十一月辛丑封典各揭為陽信
侯索隱曰韋昭云勃海縣正義曰括地志云陽信故城在滄州無棣縣東南二十里漢陽信縣賜金千
斤十二月上曰法者治之正也所以禁暴而率
善人也今犯法已論而使母罪之父母妻子同
產坐之及為收帑朕甚不取其議之有司皆曰
民不能自治故為法以禁之相坐坐收所以累

其心使重犯法所從來遠矣如故便上曰朕聞
法正則民慤罪當則民從且夫牧民而道守之善
者吏也其既不能導又以不正之法罪之是反
害於民為暴者也何以禁之朕未見其便其孰
計之有司皆曰陛下加大惠德甚盛非臣等所
及也請奉詔書除收帑諸相坐律令應劭曰帑子也秦法一人

有罪并坐其家

室今除此律正月有司言曰蚤建太子所以尊

宗廟請立太子上曰朕既不德上帝神明未歆
享天下人民未有嗛志索隱曰嗛者不滿之意也未

漢書音義作

今縱不能博求天下賢聖有德之人而

慙音篋

漢書音義作

慙音篋

慙音篋

慙音篋

慙音篋

慙音篋

禪天下焉而曰豫建太子是重吾不德也謂天

下何其安之索隱曰言何以謂於天下也其發聲也安者徐也言徐徐且待也有司曰

豫建太子所以重宗廟社稷不忘天下也上曰

楚王季父也春秋高閱天下之義理多矣如淳曰

猶言多所更歷也明於國家之大體吳王於朕兄也惠仁

以好德淮南王弟也秉德以陪朕文穎曰陪輔也豈為

不豫哉諸侯王宗室昆弟有功臣多賢及有德

義者若舉有德以陪朕之不能終是社稷之靈

天下之福也今不選舉焉而曰必子人其以朕

為忘賢有德者而專於子非所以憂天下也朕

甚不取也有司皆固請曰古者殷周有國治安

皆千餘歲古之有天下者莫不長焉用此道也

索隱曰言古之有天下者無長於立子故云莫長焉用此道者用殷周立子之道故安治千有餘歲也立嗣

必子所從來遠矣高帝親率士大夫始平天下

建諸侯為帝者太祖諸侯王及列侯始受國者

皆亦為其國祖子孫繼嗣世世弗絕天下之大

義也故高帝設之以撫海內今釋宜建而更選

於諸侯及宗室非高帝之志也更議不宜索隱曰

不宜更別議子其最長純厚慈仁請建以為太子上乃

許之因賜天下民當代父後者爵各一級韋昭曰文

帝以立子為後不欲獨饗其福故賜天下為父後者爵

封將軍薄昭為軹侯徐廣曰正月三月有司請立皇后薄太后曰諸侯皆同

姓立太子母為皇后索隱曰謂帝之子為諸侯王比之同姓姓生也言皆同母生故立太子母為

皇后姓竇氏上為立后故賜天下鰥寡孤獨

窮困及年八十已上孤兒九歲已下布帛米肉

各有數上從代來初即位施德惠天下填撫諸

侯四夷皆洽驩乃循從代來功臣上曰方大臣

之誅諸呂迎朕朕狐疑皆止朕唯中尉宋昌勸

朕朕以得保奉宗廟已尊昌為衛將軍其封昌

為壯武侯徐廣曰四月辛亥封封三十四年景帝中四年奪侯國除索隱曰韋昭云膠東縣正義曰

括地志云壯武故城在萊州即墨縣西諸從朕六人官

皆至九卿正義曰漢置九卿一曰太常二曰光祿三曰衛尉四曰太僕五曰廷尉六曰大鴻臚七曰宗正

八曰大司農九曰少府是為九卿也上曰列侯從高帝入蜀漢中者

六十八人皆益封各二百戶故吏二千石以上

從高帝潁川守尊等十人食邑六百戶淮陽守

申屠嘉等十人五百戶衛尉定等十人四百戶

封淮南王舅父趙兼為周陽侯正義曰括地志云周陽故城在絳州

封淮南王舅父駟鈞為清郭侯如淳曰邑名六國時齊有清郭

封淮南王舅父齊王舅父秋封故常山丞相

蔡兼為樊侯索隱曰韋昭云樊東平縣名正義曰括地志云漢樊縣城在兗州瑕丘西南一十

君清音靜○索隱曰按表駟鈞封鄔侯不同者蓋後徙封於鄔屬鉅鹿

五里地理志云樊縣古樊國仲山甫所封

人或說右丞相曰君本誅諸呂

迎代王今又矜其功受上賞處尊位禍且及身右丞相勃乃謝病免罷左丞相平專為丞相

胆中

二年十月丞相平卒復以絳侯勃為丞相上曰

朕聞古者諸侯建國千餘歲各守其地以時入

貢民不勞苦上下驩欣靡有遺德今列侯多居

長安邑遠吏卒給輸費苦而列侯亦無由教馴

其民正義曰馴古訓字其今列侯之國為吏及詔所止者

遣太子張晏曰為吏謂以卿大夫為兼官者詔所止特以恩愛見留者十一月晦日有

食之正義曰按說文云日蝕則朔月蝕十二月望日又

食徐廣曰此云望日又食案漢書及下志無此日食文也一本作月食然史書不紀月食上曰朕聞

之天生蒸民為之置君以養治之人主不德布

政不均則天示之以菑以誠不治乃十一月晦

日有食之適見于天菑孰大焉朕獲保宗廟以

微眇之身託于兆民君王之上天下治亂在朕

一人唯二三執政猶吾股肱也朕下不能理育

羣生上以累三光之明其不德大矣今至其悉

思朕之過失及知見思之所不及白以告朕及

舉賢良方正能直言極諫者以匡朕之不逮因

各飭其任職務省繇費以便民朕既不能遠德

故憫然念外人之有非漢書音義曰憫然猶介然也非對非也。索隱曰蘇林云憫寢視不安之貌蓋近其意餘說皆踈音下戡反是以設備未息今縱不能

罷罷邊屯戍而又飭兵厚衛其罷衛將軍軍太僕

見馬遺財足索隱曰遺猶留也財字與纒同言人示皆太僕見在之馬令留纒足充事也餘皆

以給置傳索隱曰按廣雅云置驛也續漢書云驛馬三十里二置故樂彥亦云傳置一也言乘傳者以傳

為傳置四馬中足為馳置下足為乘置一馬二馬為輶置急

一馬乘一馬也正月上曰農天下之本其開籍田應劭曰古者天子耕

籍田千畝為天下先籍者帝王典籍之常章昭曰籍借也借

臣力以治之以奉宗廟且以勸率天下使務農也景帝

詔曰朕親耕后親桑為天下先本以躬朕親率耕以給

宗廟采盛應劭曰黍稷曰采在器中曰盛三月有司請立皇子為

諸侯王上曰趙幽王幽死朕甚憐之已立其長

子遂為趙王遂弟辟彊及齊悼惠王子朱虛侯

章東牟侯興居有功可王乃立趙幽王少子辟

彊為河間王以齊劇郡立朱虛侯為城陽王立

東牟侯為濟北王皇子武為代王子參為太原

王子揖為梁王上曰古之治天下朝有進善之

旌應劭曰旌幡也堯設之五達之道令民進誹謗之木服

德善也如淳曰欲有進善者立於旌下言之誹謗之木服

時然也後代因以為飾今宮外橋梁頭四柱木是鄭玄註禮

云一縱一橫為午謂以木貫表柱四出即今之華表崔浩以
為木貫柱四出名桓陳楚俗桓聲近和又云和表則華與和
又相訛也所以通治道而來諫者今法有誹謗妖言
之罪是使眾臣不敢盡情而上無由聞過失也
將何以來遠方之賢良其除之民或祝詛上以
相約結而後相謾漢書音義曰民相結共祝詛上也謾者而後謾而止之不畢祝詛也○索隱曰韋昭云謾相抵闕也說文云謾欺也謂初相約共行祝後相欺誑中道而止之也吏以為大逆
其有他言而吏又以為誹謗此細民之愚無知
抵死朕甚不取自今以來有犯此者勿聽治九
月初與郡國守相為銅虎符竹使符應劭曰銅虎符第一至第五張晏曰符以代五國家當發兵遣使者至郡合符符合乃聽受之竹使符皆以竹箭五枚長五十鐫刻篆書第一至第五

古之珪璋從簡易也○索隱曰漢舊儀銅虎符發兵長六寸竹使符出入徵發說文云符分而合之小顏云右留京師左與之古今註云銅虎符銀錯書之張晏云銅取其同心也

三年十月丁酉晦日有食之十一月上曰前日
計遣列侯之國或辭未行丞相朕之所重其為
朕率列侯之國絳侯勃免丞相就國以太尉潁
陰侯嬰為丞相罷太尉官屬丞相四月城陽王
章薨淮南王長與從者魏敬殺辟陽侯審食其
五月匈奴入北地居河南為寇帝初幸甘泉蔡邕曰天子車駕所至民臣以為僥倖故曰幸至見令長三老官屬親臨軒作樂賜食帛越巾刀佩帶民爵有級數或賜田租之半故因是謂之幸○索隱曰應劭云甘泉宮名在雲陽一名林光臣瓚云甘泉山各林光秦離宮名又碩氏按邢承宗

西征賦註云甘泉水名今按因地有甘泉以名山則山水皆通也

六月帝曰漢與匈奴約為昆弟毋使害邊境所以輸遺匈奴甚厚今

右賢王離其國將眾居河南降地非常故往來

近塞捕殺吏卒驅保塞蠻夷令不得居其故陵

轢邊吏入盜甚敖無道非約也其發邊吏騎八

萬五千詣高奴遣丞相穎陰侯灌嬰擊匈奴匈

奴去發中尉漢書百官表曰中尉秦官材官屬衛將軍軍長安

辛卯帝自甘泉之高奴因幸太原見故羣臣皆

賜之舉功行賞諸民里賜牛酒復晉陽中都民

正義曰故城在汾州平遙縣西南十三里三歲留游太原十餘日濟北王

與居聞帝之代欲往擊胡乃反發兵欲襲滎陽

於是詔罷丞相兵遣棘蒲侯陳武為大將軍將

十萬往擊之祁侯賀徐廣曰姓縉以文帝十一年卒諡曰敬。索隱曰漢書音義我祁音達

賀姓縉縉古國自夏同姓也。止義曰括地志云并州祁縣城晉大夫祁奚之邑為將軍軍滎陽

七月辛亥帝自太原至長安廼詔有司曰濟北

王背德反上註誤吏民為大逆濟北吏民兵未

至先自定及以軍地邑降者皆赦之復官爵與

王與居去來亦赦之徐廣曰乍去乍來也駟案張晏八月破濟北軍虜其王赦濟北諸吏民與王反者

六年有司言淮南王長廢先帝法不聽天子詔

居處母度出入擬於天子擅為法令與棘蒲侯
太子竒謀反遣人使閩越及匈奴發其兵欲以
危宗廟社稷羣臣議曰長當奔帝帝不忍致
法於王赦其罪廢勿王羣臣請處王蜀嚴道都
徐廣曰漢書本或作却字或直云嚴道正義曰其恭反括地志
云嚴道今為縣即州所理縣也縣有蠻夷曰道故曰嚴道
不爾更遠都取大足也按羣臣請處淮南王長蜀之嚴道
縣界榮經武德年間置本秦嚴地華陽國志云在雅州榮經
人作人界也山巖峭峻曲回九折乃至上下有疑水按即王
尊登者也今從九折西南行至帝許之長未到處所
行病死上憐之後十六年追尊淮南王長謚為

厲王立其子三人為淮南王

索隱曰名安

衡山王

索隱曰名勃

廬江王

索隱曰名賜

十三年夏上曰蓋聞天道禍自然起而福繇德

與百官之非宜由朕躬今祕祝之官移過于下

應劭曰祕祝之官移過于下

以彰吾之不德朕甚不取其

除之五月齊太倉君令淳于公有罪當刑

索隱曰名

人太倉君公將行會逮罵其女曰生子不生男有

緩急非有益也其少女緹縈索隱曰緹音啼自傷

泣乃隨其父至長安上書曰妾父為吏齊中皆

倉令故謂詔獄逮徙較系長安太倉公無男有女五

之倉君公也詔獄逮徙較系長安太倉公無男有女五

稱其廉平今坐法當刑妾傷夫死者不可復生
刑者不可復屬雖復欲改過自新其道無由也
妾願沒入為官婢贖父刑罪使得自新書奏天
子天子憐悲其意乃下詔曰蓋聞有虞氏之時
畫衣冠異章服以為儆正義曰晉書刑法志云三皇
而民知禁犯黥者皂其巾犯劓者丹其服犯臍者墨其體犯
宮者雜其履大辟之罪殊刑之極布其衣裾而無顏緣投之
於市與而民不犯何則至治也今法有肉刑三李
衆棄之而民不犯何則至治也今法有肉刑三奇
曰約法三章無肉刑文帝則有肉刑子孟康曰黥劓一左右趾
合一九三〇索隱曰韋昭云斷趾黥劓之屬崔浩漢律序云
文帝除肉刑而宮不易張斐註而女奴不止其咎安在非
云以淫亂人族類故不易之也乃朕德薄而教不明歟吾甚自愧也故夫馴道不

純而愚民陷焉詩曰愷悌君子民之父母今人
有過教未施而刑加焉或欲改行為善而道母
由也朕甚憐之夫刑至斷支體刻肌膚終身不
息何其楚痛而不德也豈稱為民父母之意哉
其除肉刑上曰農天下之本務莫大焉今勤身
從事而有租稅之賦是為本末者毋以異李奇曰本
農也未賈也言農與賈俱其於勸農之道未備其除
出租無異也故除田租田之租稅

十四年冬匈奴謀入邊為寇攻朝那塞殺北地
都尉印徐廣曰姓孫封其子上乃遣三將軍軍隴西

北地上郡中尉周舍為衛將軍郎中令張武為
車騎將軍軍軍渭北車千乘騎卒十萬帝親自勞
軍勒兵申教令賜軍吏卒帝欲自將擊匈奴羣
臣諫皆不聽皇太后固要帝如淳曰必不
得自征也帝乃止
於是以前東陽侯張相如為大將軍成侯赤除曠
也為內史欒布為將軍擊匈奴匈奴遁走春上
曰朕獲執犧牲珪幣以事上帝宗廟十四年于
今歷日縣長以不敏不明而久撫臨天下朕甚
自愧其廣增諸祀墾場珪幣昔先王遠施不求
其報望祀不祈其福右賢亡威
韋昭曰右猶高左猶
下也。案隱曰劉德

尚赤

十七年得玉杯

應劭曰新垣平詐令人獻之

刻曰人主延壽於是

天子始更為元年

索隱曰秦本紀惠文王十四年更為元年又汲冢竹書魏惠王亦有後元

當取法於此又按封禪書以新垣平候日再中故以元也

今天下大酺其歲新垣

平事覺夷三族後二年上曰朕既不明不能遠

德是以使方外之國或不寧息夫四荒之外不

安其生

索隱曰頡頏按爾雅狐竹北

封畿之內勤勞

不處二者之咎皆自於朕之德薄而不能遠達

也間者累年匈奴並暴邊境多殺吏民邊臣兵

吏又不能訶吾內志以重吾不德也夫久結難

連兵中外之國將何以自寧今朕夙興夜寐勤勞天下憂苦萬民為之怛惕不安未嘗一日忘於心故遣使者冠蓋相望結軼音轍於道韋昭曰使轍如結也相如曰結軌還轍。索隱曰鄒氏軼音逸以諭漢書作轍碩氏按司馬彪云結謂車轍回旋錯結也

朕意於單于今單于反古之道計社稷之安便萬民之利親與朕俱棄細過借之大道結兄弟之義以全天下元元之民索隱曰戰國策云制海內子元元非兵不可高誘註云二元善也又按姚察云古者謂人云善人也因善為元故云黎元其言元元者非一人也碩野王云元元猶囑囑可憐愛貌未安其說聊記異也

和親已定始于今年後六年冬匈奴三萬人入上郡三萬人入雲中以中大夫令勉

徐廣曰衛尉改名也駟案漢書百官表景帝初改衛尉為中大夫令非此年也。索隱曰中大夫令是官號勉其名後此官改為光祿勳虞世南以此稱中大夫令是史家追書耳顏遊秦以令是姓勉是名為中大夫據風俗通令姓令尹子文後為車騎將軍軍飛狐如淳曰在代郡蘇林曰在上黨故楚相蘇意為將軍軍軍句注應劭曰山險名也鴈門陰館。索隱曰伏儼句音俱包愷音鈞也將軍張武屯北地河內守周亞夫為將軍居細柳徐廣曰在長安西駟案如淳曰長安圖細柳倉在渭北近石徽張揖曰在昆明池南今有柳市是也。索隱曰按三輔故事細柳在直城門外阿房宮西北維又匈奴傳云細柳在長安西如淳云在渭北非也宗正劉禮為將軍居霸上祝茲侯徐廣曰表作松茲侯姓徐名悍軍棘門徐廣曰在渭北去亦罷天下旱蝗帝加惠令諸侯毋入貢馳山

澤

韋昭曰弛發發其常禁以利民

減諸服御狗馬損郎吏負發倉

庾

應劭曰水潛倉曰庾胡公曰在邑曰倉在野曰庾。索隱曰郭璞註三倉君云庾倉無屋也胡公名廣後漢太尉作漢

官解

以振貧民民得賣爵索隱曰崔浩云富人欲爵貧人欲錢故聽買賣孝

文帝從代來即位二十二年宮室苑囿狗馬服

御無所增益有不便輒弛以利民嘗欲作露臺

徐廣曰露一作靈。索隱曰顧氏按新豐南驪山上猶有臺之舊趾也

召匠計之直百金

上曰白金中民十家之產吾奉先帝宮室常恐

羞之何以臺為上常衣絺衣

如淳曰賈誼云身衣絺所幸慎

夫人令衣不得曳地幃帳不得文繡以示敦朴

為天下先治霸陵皆以瓦器不得以金銀銅錫

為飾不治墳欲為省毋煩民南越王尉佗自立

為武帝然上召責尉佗兄弟以德報之佗遂去

帝稱臣與匈奴和親匈奴背約入盜然令邊備

守不發兵深入惡煩苦百姓吳王詐病不朝就

賜几杖羣臣如表奏等稱說雖切常假借用之

蘇林曰假音休假借音以物借人

羣臣如張武等受賂遺金錢覺

上乃發御府金錢賜之以愧其心弗下吏專務

以德化民是以海內殷富興於禮義後七年六

月己亥帝崩於未央宮

徐廣曰年四十七

遺詔曰朕聞蓋

天下萬物之萌生靡不有死死者天地之理物

之自然者奚可甚哀當今之時世咸嘉生而惡
死厚葬以破業重服以傷生吾甚不取且朕既
不德無以佐百姓今崩又使重服又臨以離寒
暑之數哀人之父子傷長幼之志損其飲食絕
鬼神之祭祀以重吾不德也謂天下何朕獲保
宗廟以眇眇之身託于天下君王之上二十有
餘年矣賴天地之靈社稷之福方內安寧方也內中也猶云中外也朕既不敏常
畏過行以羞先帝之遺德維年之久長懼于不
終今乃幸以天年得復供養于高廟朕之不明

與嘉嘉之

如淳曰與發聲也得卒天年已善矣

其奚哀悲之有其令天

下吏民令到出臨三日皆釋服母禁取婦嫁女

祠祀飲酒食肉者自當給喪事服臨者皆無踐

服履曰踐前羽也謂無斬衰也子孟康曰踐也晉灼曰漢語作跣跣徒跣也。索隱曰漢語是韋曰名荀爽所作經帶

無過三寸母布車及兵器應劭曰無以布衣車及兵器也

母發人男女哭臨宮殿中當臨者皆以旦

夕各十五舉聲禮畢罷罷日夕臨時禁母得擅

哭已下服大紅十五日小紅十四日織七日釋

服服虔曰當言大功小功布也織細布衣也應劭曰紅者中

洋大祥以紅為領綠也織者禫也凡三十六日而釋服。索隱曰已下謂祔已下於壙劉德云紅功也男功非故以工力為字而女工唯在於絲故以系工為字三十六日以日

易月佗不在令中者皆以此令比率從事布告

天下使明知朕意霸陵山川因其故應劭曰因山

墳山下川流不渴綿也就其水名以為陵號索毋有所

改歸夫人以下至少使應劭曰夫人以下有美人良人

遣歸家重絕人類也令中尉亞夫為車騎將軍屬國悍徐廣

徐翹察漢書百官表典為將屯將軍李奇曰馮奉世為

屬國秦官掌蠻夷降者軍為名此監郎中令武為復土將軍如淳曰主穿墻

主諸屯也郎中令武為復土將軍填墜事者。索

隱曰復音伏謂穿墻出土下棺已而填之發近縣見卒萬

六千人發內史卒萬五千人索隱曰百官表云內史

各京藏郭穿復土屬將軍武乙巳漢書云乙巳葬

兆尹藏郭穿復土屬將軍武乙巳皇甫謐曰霸陵

去長安羣臣皆頓首上尊號曰孝文皇帝太子即

位于高廟丁未龍襲號曰皇帝孝景皇帝元年十

月制詔御史蓋聞古者祖有功而宗有德應劭曰

下者為相高帝稱高祖是也始治制禮樂各有由聞歌

者所以發德也舞者所以明功也高廟酎張晏曰

作酒八月成名曰酎酎之言純也至武帝時因奏武德文

始五行之舞孟康曰武德高祖所作也文始舜舞也五行

樂志文始舞本舜韶舞五行色見禮樂志。索隱曰應劭云禮

樂志文始舞本舜韶舞五行色見禮樂志。索隱曰應劭云禮

周武舞秦始舞更名五行舞按今言奏武德文始五行之舞

者其樂總象武王樂言高祖以武定天下既示不相襲其作

樂之始先奏文始武舞執干戚而衣有五行之色也孝惠廟酎

奏文始五行之舞孝文皇帝臨天下通關梁不

異遠方張晏曰孝文十二年除關不用傳令遠近若一除誹謗去肉刑賞賜

長老收恤孤獨以育羣生減嗜欲不受獻徐廣曰減

一作不私其利也罪人不孥蘇林曰刑不及妻子不誅無罪

除肉刑出美人重絕人之世朕既不敏不能識

此皆上古之所不及而孝文皇帝親行之德厚

侔天地李奇曰利澤施四海靡不獲福焉明象乎

日月而朝樂不稱朕甚懼焉其為孝文皇帝廟

為昭德之舞文穎曰景帝采高祖武德舞作昭德舞舞之於文帝廟見禮樂志以明休

德然後祖宗之功德著於竹帛施於萬世永永

無窮朕甚嘉之其與丞相列侯中二千石禮官

具為禮儀奏丞相臣嘉等言陛下永思孝道立

昭德之舞以明孝文皇帝之盛德皆臣嘉等愚

所不及臣謹議世功莫大於高皇帝德莫盛於

孝文皇帝高皇帝廟宜為帝者太祖之廟孝文皇

帝廟宜為帝者太宗之廟天子宜世世獻祖宗

之廟郡國諸侯宜各為孝文皇帝立太宗之廟

諸侯王列侯使者侍祠天子歲獻祖宗之廟張晏

曰王及列侯歲時遣使詣京師侍祠助祭也如淳曰若光武廟在章陵南陽太守稱使者往祭是也不使侯王祭者諸侯不得祖天子也臨請著之竹帛宣布天下制曰可

太史公曰孔子言必世然後仁孔安國曰三十年曰世如有受命王者必

三十年仁善人之治國百年亦可以勝殘去殺王

政乃成誠哉是言漢興至孝文四十有

餘載德至盛也廩廩鄉改正服封禪矣謙讓未

成於今嗚呼豈不仁哉

索隱述贊曰

孝文在代

兆遇大橫

宋昌建策

絳侯奉迎

南面而讓

天下歸誠

務農先籍

布德偃兵

除帑削謗

政簡刑清

綈衣率俗

露臺不營

法寬張武

獄恤緹縈

霸陵如故

千年頌聲

史伍阡陸伯未拾玖字
註肆阡肆伯未拾伍字

孝文本紀第十

史記十

孝景本紀第十一

史記十一

孝景皇帝者

漢書音義曰諱啓。正義曰諡法曰繇義而濟曰景。

孝文之中子

也。母竇太后。孝文在代時。前后有三男及竇太后得幸。前后死。及三子更死。故孝景得立。

元年四月乙卯。赦天下。乙巳。賜民爵一級。五月

除田半租。為孝文立太宗廟。令羣臣無朝賀。匈奴

入代。與約和親。

二年春。封故相國蕭何孫係為武陵侯。

徐廣曰漢書亦作係

鄒誕生本作係。音係。又案漢書功臣表及蕭何傳。皆云孫嘉疑。其人有二名。索隱註同。

男子二十而

得傳。

索隱曰音附。荀悅云傳正卒也。小顏云舊法二十三而傳。今改也。

四月壬午。孝文

太后崩索隱曰薄后也葬廣川長沙王皆之國索隱曰廣

川王彭祖長沙王發丞相申屠嘉卒八月巨御史大

夫開封侯陶青為丞相彗星出東北秋衡山雨

雹正義曰雨大者五寸深者二尺熒惑逆行守北

辰月出北辰間歲星逆行天廷中置南陵及內

史役羽為縣徐廣曰地理志云文帝七年置縣案地理

右及役羽為縣皆景帝二年不得皆如徐所云○索隱曰

三年正月乙巳赦天下長彗星出西方天火徐廣曰

燔雒陽東宮大殿城室徐廣曰維一作淮○索隱曰

吳王濞正義曰音披備反高祖兄仲子故漢高祖十

都楚王戊正義曰高祖弟楚王交趙王遂正義曰高祖

嗣二十六年及都邯鄲膠西王卬正義曰卬五郎反高祖孫齊悼惠

州高密密縣濟南王辟光正義曰辟音壁高祖孫齊悼惠王子

故城在淄州長山菑川王賢正義曰高祖孫齊悼惠王子

縣西北三十里括地志云菑州縣也故劇城在青膠東王雄渠正義曰高

州壽光縣南三十一里故紀國膠東王雄渠正義曰高

惠王子故白石侯五十一反都即墨括地志云反發兵

即墨故城在密川膠水縣東南六十里即膠東國

西鄉天子為誅晁錯遣袁盎諭告不止遂西圍

梁正義曰梁孝王上乃遣大將軍甯買嬰太尉周亞

夫將兵誅之六月乙亥赦三軍及楚元王子執

等正義曰蘇雲魚曳反與謀反者封大將軍甯買嬰為

魏其侯正義曰地理志云魏其屬琅邪立楚元王子平陸侯正義曰應

劭云平陸西河縣劉禮為楚王索隱曰韋昭云平陸西河縣禮即向之從曾祖正父也立

皇子端為膠西王子勝為中山王徙濟北王志

正義曰濟子禮反濟北國今濟州盧縣即濟北王所都為菑川王淮陽王餘正義

曰淮陽國今陳州為魯王正義曰今充州曲阜縣汝南王非正義曰汝南國今豫州齊王

為江都王正義曰江都國今揚州也吳王濞所都齊王

將廬正義曰齊國青州臨淄也將廬齊燕王嘉皆薨

徐廣曰表云五年薨。索隱曰廬悼惠王孫齊王襄之子漢書作問嘉劉澤之子

四年夏立太子立皇子徹為膠東王六月甲戌

赦天下後九月更以弋陽為陽陵正義曰括地志云漢景帝陵也

在雍州咸陽縣東三十里按杜作壽陵也復置津關用傳出應劭曰文帝十二年

除關無用傳至此復置傳以七國新反備非常也張晏曰傳

信也若今過所也如淳曰傳音檄傳而傳兩行書縮帛分持

其一出入關合之乃得過謂之傳。索隱曰傳音丁恋反冬以趙國為邯鄲郡案

地理志趙國景帝以為邯鄲郡五年二月作陽陵索隱曰景帝豫作壽陵也按趙系家

渭橋五月募徙陽陵予錢二十萬江都大暴風

從西方來壞城十二丈丁卯封長公主子橋為

隆慮侯索隱曰音不問避殤帝諱改之徙廣川王為趙王

六年春封中尉趙綰為建陵侯正義曰括地志云建陵故縣在沂州

承縣江都丞相嘉徐廣曰姓程為建平侯隴西太守渾

邪為平曲侯

正義曰括地志云平曲縣故城在瀛州文安縣北七十里趙丞相嘉徐

曰姓

蘇為江陵侯故將軍布為鄒侯梁楚二王皆

薨後九月伐馳道樹殖蘭池

徐廣曰殖一作填。正義曰按馳道天子秦始皇

皇作之丈而樹

七年冬發粟太子為臨江王

正義曰臨江中州縣雖王臨江而都江陵十

二月晦日有食之春免徒隸作陽陵者丞相青

免二月乙巳以太尉條侯

正義曰條田彫反字亦作條音同

周亞

夫為丞相四月乙巳立膠東王太后為皇后

曰按系家太后槐里人父仲兄信封蓋侯后故金氏妻女弟姁兒也

丁巳立膠東王為太

子名徹

中元年封故御史大夫周苛孫平

徐廣曰一作應。索隱曰苛周

兄昌之為繩侯故御史大夫周昌子左車為安陽

侯四月乙巳赦天下賜爵一級除禁錮地動衡

山原都雨雹大者尺八寸

中二年二月匈奴入燕遂不和親三月召臨江

王來即死中尉府中夏立皇子越為廣川王子

寄為膠東王封四侯

文穎曰楚相張尚太傅趙夷吾趙相建德內史王惲此四人各諫其

王無使反不聽皆殺之故封其子。索隱曰韋昭云張尚子當居趙夷吾子周建德子橫王惲子弃

九月甲

戌日食

中三年冬罷諸侯御史中丞春匈奴王二人率

其徒來降皆封為列侯

正義曰漢書表云中三年安

容城侯徐慮易侯僕日范陽侯代翁侯邯鄲七人以匈奴立

皇子方乘為清河王三月彗星出西北丞相周

亞夫死以御史大夫桃侯劉舍為丞相四月地

動九月戊戌晦日食軍東都門外按三輔黃圖東

宣平門外曰東都門。索隱註同

中四年二月置德陽宮

贊曰是景帝廟也帝自作之諱不言廟故言宮西京故事

云景帝廟為德陽宮大蝗秋赦徒作陽陵者

中五年夏立皇子舜為常山王封十侯

正義曰惠

云亞王侯盧他之龍盧侯陳留蟠乘氏侯劉買相邑侯劉明蓋侯王信按其五人是中元五年封餘檢不獲中元三年匈奴

奴王二人降封為列侯恐景間表云匈奴王六月丁巳赦

天下賜爵一級天下大潦更命諸侯丞相曰相

秋地動

中六年二月巳卯行幸雍郊見五帝三月雨雹

四月梁孝王

正義曰都睢陽今宋州

城陽共王

正義曰城陽今僕州雷澤縣古城陽

也共音恭謚法嚴敬故事曰恭

汝南王皆薨立梁孝王子明為濟

川王

正義曰表云

子彭離為濟東王

正義曰表云子定

為山陽王

正義曰地理志云景帝中六年別為山陽國屬兗州

子不識為濟陰

王

正義曰地理志云景帝中六年別為濟陰國屬兗州案今曹州是也

梁分為五封四侯

更命廷尉為大理將作少府為將作大匠主爵

中尉為都尉

漢書百官表曰主爵中尉秦官掌列侯

長信詹事

漢書百官表曰

詹事秦官掌皇后太子家應劭曰詹省也給也贊曰茂陵書詹事秩二千石

為長信少府

張

曰以太后所居宮為名長信宮則曰長信少府

將行為大長秋

漢書

百官表曰將行秦官

大行為行人

服虔曰天子死未有諡稱大行晉灼曰禮有大

應劭曰長秋皇后卿

行小行主謚官故以此名之如淳曰不反之辭也贊曰大行是官名掌九儀之制以賓諸侯

○索隱曰鄭玄云命者五謂

公侯伯子男爵者四孤卿大夫士是九也

奉常為太常

漢書百官表曰奉常秦官掌宗廟禮儀

典史為大行

索隱曰韋昭云大行官名秦時置典史景帝初改云大行後更名大鴻臚武帝因而不改

故漢書景紀有大鴻臚百官表又云武帝改名大鴻臚臚附也

以言其掌四夷賓客若皮臚之在外附於身也復有大行

令故諸侯薨大鴻臚奏謚列侯薨則大治粟內史為大

行奏誅按大行令即鴻臚之屬官也

農

漢書百官表曰治粟內史秦官掌穀貨也

以大內為二千石

韋昭曰大內京師府藏

置左右內官屬大內

索隱曰主天子之私財曰小內小內即屬大內也

七月

辛亥日食八月匈奴入上郡

後元年冬更命中大夫為衛尉

正義曰漢書百官表云衛尉秦官掌宮闈

門衛也兵景帝初更名中大夫分後元年復為衛尉

三月丁酉赦天下賜爵一

級中二千石諸侯相爵右庶長四月大酺五月

丙戌徐廣曰丙一作甲地動其蚤食時復動上庸地動二

十二日壞城垣七月乙巳日食丞相劉舍免八

月壬辰以御史大夫綰為丞相封為建陵侯

曰姓後二年正月地一日三動郵將軍

正義曰郵真栗反郵都傳云匈

漢書百官表曰

子下推恩之令令諸侯各得分邑其子弟於是遂弱卒以安也安危之機豈不以哉
索隱述贊曰景帝即位因脩靜默勉人於農
率下以德制度斯創禮法可則一朝吳楚乍
起凶慝提蜀成豐拒輪致惑晁錯雖誅梁城
未克條侯出將追奔逐北坐見梟刺立翦牟
賊如何太尉後卒下獄惜哉明君斯功不錄

宋隱帝... 率下以德制度斯創禮法可則一朝吳楚...
起凶慝提為成器拒輪致威鬼錯錐誅梁城
未克條侯出將追奔逐北坐見鳥刺立剪牟
賊如何太尉後率下獄惜哉明君斯功不錄

卷之十一

史記

